



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vildana Bešlija

Zastupnica Naše stranke u Skupštini Kantona Sarajevo

Broj: ____/21

Sarajevo, 28.09.2021.

Dostaviti:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
n/r predsjedavajući Skupštine Kantona Sarajevo

Uputiti:

Vlada Kantona Sarajevo
Ministarstvo za odgoj i obrazovanje

PREDMET: ZASTUPNIČKO PITANJE

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", brojevi 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), Vladi Kantona Sarajevo upućujem pitanja:

- **Da li uprava škole ima pravo ukinuti izborni predmet koji je izabrala apsolutna većina roditelja i nametnuti drugi predmet?**
- **Zašto škola po direktivi Ministarstva obrazovanja br. 11/03-38-17019-1/19 u kojoj se između ostalog škola podsjeća na zakonsku obavezu provođenja ankete, na web stranici ne postoji link koji bi roditelje odveo do sva tri izborna predmeta kako bi se učenici i roditelji pobliže informisali o izbornim predmetima te na osnovu toga donijeli svoju odluku, kako je navedeno u direktivi?**
- **Obzirom da je škola prema direktivi Ministarstva obrazovanja iz 2019.godine dužna čuvati originalne anketne upitnike sa svim potrebnim informacijama, molim informaciju da li škola čuva originale anketnih upitnika koje su roditelji ispunjavali tokom zadnje tri godine u skladu sa pomenutom direktivom, koja je upućena 12.06.2019.godine na ruke svim direktorima škola.**

OBRAZLOŽENJE:

Na osnovu obraćanja roditelja čija djeca idu u OŠ "Isak Samokovlija", te činjenice da je školska godina već počela, kao i to da roditelji nisu dobili odgovor upućen prema pomenutoj



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

školi i ministarstvu, a u vezi anketiranja i pohađanja predmeta Zdravi životni stilovi molim odgovore na gore postavljena pitanja.

Roditelji su međusobno provjerili kako su glasali na dostavljenoj anketi, te su mišljenja da rezultati nisu onakvi kakvi su im usmeno predstavljeni, te u ime njih tražim da se dostave rezultati ankete, jer ukoliko nema mogućnosti za realizaciju predmeta Zdravi životni stilovi, roditelji će željeti da se opredjele za neku od različitih opcija vjeronauka. Obzirom da je škola prema direktivi Ministarstva obrazovanja iz 2019.godine dužna čuvati originalne anketne upitnike sa svim potrebnim informacijama, molim informaciju da li škola čuva originale anketnih upitnika koje su roditelji ispunjavali tokom zadnje tri godine u skladu sa pomenutom direktivom, koja je upućena 12.06.2019.godine na ruke svim direktorima škola.

Također tvrde da im je usmeno pojašnjeno da predmet Zdravi životni stilovi neće postojati sljedeće godine uz korištenje izgovora da niti jedna škola na području općine Centar nema uveden ovaj predmet kao argument, a znamo da je to nemoguće jer ta konstatacija u suptnosti sa Zakonom o osnovnom odgoju i obrazovanju KS, kao i da nema obučenog kadra za odvijanje nastave, zbog čega su se obratili i Institutu za populaciju i razvoj za provjeru. Od Instituta su dobili informacije da OŠ Isak Samokovlija ima dvije certificirane osobe za ovaj predmet, kao i to da im isporučuju knjige za Zdrave životne stilove i da ima učenika koji isti pohađaju u općini Centar u kontinuitetu i to sa porastom zadnjih pet godina. Istovremeno u odgovoru Instituta je naglaseno da je specifično u ovoj školi u kontinuitetu primijetan pad interesovanja za ovaj predmet, što je također čudno uzimajući u obzir povećano interesovanje u ostalim školama na području iste općine - Općine Centar.

I da zaključim, smatram da je u ovom periodu kada je zdravlje posebno važan aspekt razvoja naše djece, lično mi je neprihvatljiv nemar i nedovoljan angažman odgovornih osoba u školama, te molim ministricu da se provjere ovi navodi, jer je potpuno neshvatljivo neinteresovanje za predmet Zdravi životni stilovi, koji je ocijenjen kao jedan od najnaprednijih u Evropi i da se dodatno angažujemo na promociji i značaju ovog predmeta u svim školama u Kantonu Sarajevo.

S poštovanjem,

Vildana Bešlija

Zastupnica u Skupštini Kantona Sarajevo

Naša stranka